

UGOVOR O POSLOVNO – TEHNIČKOJ SARADNJI

Zaključen dana 17.09.2019 godine, između:

1. Javna ustanova „Studentski centar“ (u daljem tekstu: Studentski centar), Aleja Bosne srebrene bb, koju zastupa direktor Tarik Curić
- i
2. Kantonalna javna ustanova Dom za djecu bez roditeljskog staranja (u daljem tekstu Dom za djecu), Bjelave 52, koju zastupa v.d. direktorica Samira Puzo

Član 1.

- (1) Ovim Ugovorom se utvrđuju međusobni poslovni odnosi koji se tiču saradnje ugovornih strana po osnovu zaključenog Sporazuma o saradnji u procesu smještaja i boravka studenata- štíćenika Doma za djecu, te prava i obaveze koji iz istog proističu.

Član 2.

- (1) U okviru saradnje koja je predmet ovog Ugovora Dom za djecu se obavezuje da će:
- a) Studentskom centru blagovremeno dostaviti zahtjev sa spiskom studenata – štíćenika Doma za djecu za koje se traži smještanje u Studentski centar, a po osnovu zaključenog Sporazuma o saradnji u procesu smještaja i boravka studenata- štíćenika Doma za djecu (broj:1888/19 i 1395/19 od 12.09.2019.godine);
 - b) Sačiniti plan podrške za mlade koji će boraviti u Studentskom centru;
 - c) nastaviti pružati potrebnu materijalnu i psihosocijalnu pomoć i podršku mladima koji će boraviti u Studentskom centru;
 - d) Identificirati stručnog radnika koji će biti u stalnoj komunikaciji sa studentima za svaki vid podrške;
 - e) Redovno izmirivati obaveze plaćanja troškova Studentskom centru, a nakon dostavljenje fakture od strane Studentskog centra na ime smještaja u iznosu od 150,00 KM po jednom studentu. Iznos od 219,00 KM na ime troškove ishrane će subvencionirati Kanton Sarajevo u skladu sa članom 4. stav (2) Sporazuma o saradnji u procesu smještaja i boravka studenata-štíćenika KJU Dom za djecu bez roditeljskog staranja;
 - f) U zavisnosti od broja soba u kojima budu boravila djeca, Dom za djecu se obavezuje da će plaćati usluge interneta važećem operateru;
- (2) Studentski centar se obavezuje da će:
- a) Obezbijediti smještaj za mlade/studente, a prema zahtjevu za smještaj od strane Doma za djecu;
 - b) Dostavljati fakturu Domu za djecu za smještaj studenata na mjesečnom nivou;
 - c) Pružiti potrebnu pomoć i podršku u toku adaptacije i boravka mladih u Studentskom centru;
 - d) Po potrebi informisati Dom za djecu o zapažanjima i efektima smještaja sudenata u Studentski centar;

- e) Obezbjediti primjerenu ishranu i higijenske uslove za djecu i kontinuitet boravka tokom kalendarske godine;
- f) Obezbjediti prostor za učenje, koji raspolaže čitaonom i bibliotekom sa prilagođenom literaturom;
- g) U periodu juli-august djeci će se obezbjediti adekvatan smještaj, odnosno smještaj u II paviljonu Studentskog doma Bjelave.

Član 3.

- (1) O eventualnim izmjenama troškova boravka u Studentskom centru, potrebno je blagovremeno obavjestiti potpisnike sporazuma.

Član 4.

- (1) Smještanje mladih/studenata- šticećenika Doma za djecu u Studentski centar podrazumijeva uslugu smještaja, boravka, ishrane koju će pružati Studentski centar u skladu sa svojom djelatnošću, te korištenje usluga biblioteke i drugih sadržaja koje Studentski centar pruža studentima koji koriste usluge smještaja i boravka u Studentskom centru.

Član 5.

- (1) Studentski centar se obavezuje da sačini pojedinačne ugovore za svakog studenta koji će koristiti usluge Studentskog centra, a kojim će biti regulisana pojedinačna cijena smještaja na mjesečnom nivou, cijena korištenja dodatnih sadržaja Studentskog centra (biblioteka, internet i sl.), prava, obaveze, procedure, vremenski rokovi i druga pitanja od značaja za studenta koji će koristiti uslugu smještaja u Studentskom centru.

Član 6.

- (1) Ugovor o poslovno – tehničkoj saradnji zaključuje se na neodređeno vrijeme i ostaje otvoren za dodatne izmjene i dopune, uz uzajamnu saglasnost potpisnika.


Član 7.

- (1) Eventualne nesuglasice u implementaciji ovog Ugovora rješavat će se u duhu međusobne tolerancije i razumijevanja.

Član 8.

- (1) Ovaj Sporazum je sačinjen u 4 (četiri) primjerka, od kojih svaka strana potpisnica zadržava po 2 (dva) primjerka.

KJU DOM ZA DJECU BEZ
RODITELJSKOG STARANJA



Samira Puzo, v.d. direktorica

Broj: 1924 /19

JU „STUDENTSKI CENTAR“
SARAJEVO


Tarik Curić, direktor

Broj: _____ /19